

٦٦- باب ما جاء في تواضع رسول الله ﷺ - الشمائل المحمدية -

شريف على

شريف على

الباب اللي بعد كده باب ما جاء في تواضع رسول الله صلى الله عليه وسلم فده باب يعني في غاية الجمال قال التواضع تعريف التواضع قال هو انكسار القلب وخفض جناح الذل والرحمة لعباده - 00:00:00

انكسار القلب لله سبحانه وتعالى والتواضع لعباد الله. خفض جناح الذل والرحمة لعباد الله فلا يرى له على احد فضلا يعني لا يرى ان هو احسن من حد الثاني المتواضع - 00:00:19

لا يرى له لنفسه يعني على احد فضلا شايف ان هو احسن من فلان ويتنطط على الناس ولا يرى له عند احد حقا بل يرى الفضل للناس عليه والحقوق لهم قبله - 00:00:37

يعني يشوف حق الناس قبل الحق بتاعه ويرى فضل الناس عليه وهذا خلق انما يعطيه الله عز وجل من يحبه ويكرمه ويقربه لان التواضع يفتح للانسان ابواب من من ابواب العبودية - 00:00:56

اه سبحان الله وبالخير والثواب غير عادية قال والتواضع يتولد من العلم بالله سبحانه وتعالى. لأن كل ما الانسان يقرأ في صفات الله في اسمائه وفي صفاته يتعلم كل ما هي زداد تواضع له - 00:01:19

يعني اللي يسمع ويقرأ عن اسم الله العظيم. اسم الله القدير باسم الله القريب. باسم الله القوي. يتواضع لله سبحانه وتعالى والتواضع يتولد يعني يكون نتيجة من العلم بالله سبحانه وتعالى - 00:01:37

ومعرفة اسمائه وصفاته ونعوت جلاله يعني اللي عنده كبر يقرأ في اسماء الله الحسنى يقرأ في اسماء الله وصفاته ومعرفة اسمائه وصفاته ونعوت جلاله وتعظيمه ومحبته واجلاله ومن معرفة العبد بنفسه وتفاصيلها - 00:01:56

يعني حاجتين يساعدوا الانسان ان هو يكون متواضع ان هو يقرأ في في اسماء الله الحسنى وصفاته ويقرأ فيه سنة النبي عليه الصلاة والسلام ويقتدي برسول الله صلى الله عليه وسلم - 00:02:16

الحاجة الثانية ان ان الانسان يعرف عيوب النفس يعرف نفسه معرفة العبد بنفسه وتفاصيلها وحتى ان هو يقرأ في الاوصاف اللي ربنا سبحانه وتعالى وصف بها الانسان في كتابه جمع كده الاوصاف اللي الانسان وصف بها في كتاب الله - 00:02:32

انه كان ظلوما جهولا عجولة خلق الانسان ضعيفا. خلق الانسان من عجل شوف الايه شوف الصفات اللي ربنا سبحانه وتعالى وصف بها الانسان في كتاب الله فقال ومن معرفة العبد بنفسه وتفاصيلها وعيوب عملها وافاتها - 00:02:56

ولا تواضع من اخلاق الانبياء وهو من اسباب الرفعة والعزوة وفي ترك التواضع وقوع التشاحن والبغى لما انسان يترك التواضع ويكون انسان متكبر اه وشايف نفسه احسن من الناس وبيتكر على الناس - 00:03:17

فهique بينه وبين الناس تشاحن شحناء وبغي ظلم والاعراض عن الحق الانسان المتكبر لا يقبل النصيحة لا يقبل الحق قال صلى الله عليه وسلم وان الله اوحى الي ان تواضعوا - 00:03:36

حتى لا يسخر احد على احد ولا يبغي احد على احد وعن عمر بن الخطاب رضي الله عنه قال قال رسول الله صلى الله عليه وسلم لا تطروني كما اطروت النصارى ابن مريم - 00:03:54

عليه السلام انما انا عبد وقولوا عبد الله ورسوله الاطراء يعني ايه؟ الاطراء ده المبالغة في المدح وتجاوز الحد قيل الاطراء هو الافراط

في المديح يعني انت تمدح انسان وتتجاوز الحد في مدحه - [00:04:13](#)

هو ده الاطراء وقيل هو المديح بالباطل والكذب فيه ان انت تمدح انسان فتصفه بامور هي مش موجودة فيه اصلا اعتصموا بحاجات فيها نوع من المبالغة قال فالنبي عليه الصلاة والسلام - [00:04:36](#)

نهى نهى عن مسألة الاطراء دي فقال لا تطروني كما اطرت النصارى ابن مريم فافرطوا في مدحه في مدح عيسى عليه السلام الى ان جعلوه ولدا لله تعالى يعني من المبالغة في الاطراء - [00:04:57](#)

قالوا ان عيسى تعالى الله عما يقولون ولد الله عز وجل كما اطرت النصارى ابن مريم قال **البغوي** رحمه الله وذلك ان النصارى افروطوا في مدح عيسى واطرائه بالباطل - [00:05:19](#)

وجعلوه ولدا لله فمنعهم النبي صلى الله عليه وسلم يعني منع اصحابه قال منعهم ان يطروه بالباطل يعني ما تبالغش احيانا الانسان يجي مسلا هو عايز يمدح النبي عليه الصلاة والسلام - [00:05:36](#)

فيبالغ في رفع النبي عليه الصلاة والسلام فوق مقام النبوة والعبودية لله وده موجود في في كلمات آآ في كلمات آآ قصائد او كلمات اه انا شيد من اللي فيها المدح - [00:05:53](#)

فيها مبالغة في الاطراء كلام فيه مشاكل يعني وقال ابن الملقن رحمه الله فاما وصفه صلى الله عليه وسلم بما فضل الله به وشرفه يعني ان انت توصف النبي عليه الصلاة والسلام بالصفات اللي ربنا سبحانه وتعالى - [00:06:11](#)

وصفه بها وشرفه بها صلى الله عليه وسلم فحق واجب يعني انت تمدح النبي بالصفات اللي موجودة فيه ده واجب عليك حق واجب على كل من بعثه الله اليه من خلقه - [00:06:33](#)

وذلك كوصفه عليه السلام نفسه بما وصفها النبي عليه الصلاة والسلام قال انا سيد ولد ادم يوم القيمة ولا فخر يعني انا مش بقول كده علشان انا آآ بفتخر على الناس - [00:06:51](#)

لكن دي ايه هي دي الحقيقة انا سيد ولد ادم ولا فخر يوم القيمة وانا اول من تنشق عنه الارض ولا فخر يعني النبي عليه الصلاة والسلام بيأك على معنى يا جماعة انا مش بفتخر - [00:07:07](#)

انا لا افتخر عليكم لا اتكبر عليكم ولكن انا ببلغكم بالحقيقة انا سيد ولد ادم يوم القيمة ولا فخر وانا اول من تنشق عنه الارض ولا فخر وهذا من الفقه - [00:07:23](#)

ان من رفع امراً فوق حقه وتجاوز به مقداره بما ليس فيه فمتعمد فمتعذر اثم يعني انت تمدح انسان سواء بقى شيخ او عالم ان انت تبالغ فيه فتجاوز الحد - [00:07:41](#)

فالنبي عليه الصلاة والسلام نهى عن ده ان انت ما تبالغش في مدح الناس لان ذلك لو جاز في احد لو ينفع ان انت تمدح العالم الفلاني ولا الشیخ الفلاني وتبالغ في مدحه ان انت ترفعه - [00:08:01](#)

اه فوق منزلته لو جاز لاحد لجاز للنبي صلى الله عليه وسلم. لو كان ينفع تعلم ده مع مع الشیخ او مع العالم او مع اي اي شخص من الناس - [00:08:17](#)

ما ترفعش حد فوق المكانة اه اللي ربنا سبحانه وتعالى وضعه فيها قال لان ذلك لو جاز في احد لكان اولى الخلق به النبي صلى الله عليه وسلم وقال انا عبد - [00:08:28](#)

انما انا عبد اي كامل العبودية لله تعالى عن عائلة رضي الله عنها قالت قلت يا رسول الله كل جعلني الله فداك متكتئ كن متكتئ فانه اهون عليك يعني ريح نفسك وانت بتاكل كن متكتئ - [00:08:45](#)

قالت فاصفعي برأسه حتى كاد ان تصيب جبهته الارض اصفعى برأسه حتى كاد ان تصيب جبهته الارض النبي عليه الصلاة والسلام ايه آآ خفض رأسه تواضعا كده حتى كاد ان تصيب جبهته - [00:09:07](#)

الارض وقال لا بل اكل كما يأكل العبد واجلس كما يجلس العبد بل اكل كما يأكل العبد واجلس كما يجلس العبد وهذا من تمام تواضعه وتمام عبوديته لربه يا جماعة النبي عليه الصلاة والسلام - [00:09:28](#)

في رحلة المراجعة وصل الى مكان لم يصل اليه احد من خلق الله سمع صريف الاقلام يعني النبي عليه الصلاة والسلام وصل لمكان فيش حد من الخلق وصل اليه ورأى الجنة قال رأيت الجنة والنار - 00:09:49
ومع ذلك امام التواضع فقولوا عبد الله ورسوله اي قولوا ما لا شك فيه شرعاً مما انا متصف به ولا تزيد عليه يعني الاوصاف اللي النبي عليه الصلاة والسلام احب ان هو - 00:10:16

يوصف بها عبد الله ورسوله لا تزيد عليه وهذا الوصفان اصدق وصف وشرفه في الرسول صلى الله عليه وسلم ويؤخذ من الحديث ان افضل وصف رضيه الرسول صلى الله عليه وسلم لنفسه ان يقال عبد الله ورسوله - 00:10:36
وان اشرف وصف للانسان ان يكون عبداً لله اشرف وصف لك ان انت تكون عبداً لله وشرف وصف لك ان انت تكوني املي الله ده اشرف وصف ان مش ان يقال فلان المهندس فلان الدكتور فلان العالم فلان الفيزيائي فلان لا - 00:10:57
اشرف وصف كل ده لا قيمة له لو انت مش عبد لا قيمة لهحقيقة عند الله سبحانه وتعالى لا وزن له يعني الميزان عبودية انت تشووف انا فين في العبودية - 00:11:19

ولهذا كانت العبودية هي اشرف مقام للنبي صلى الله عليه وسلم. فقال سبحانه وتعالى في مقام الاسراء سبحان الذي السرى بعده وقال الحمد لله الذي انزل على عبده الكتاب ولم يجعل له عوجا - 00:11:41
وقال تبارك الذي نزل الفرقان على عبده يعني في لحية الاسراء وفي الآيات التي تتكلم عن نزول القرآن اشرف كلام وحي ربنا سبحانه وتعالى ربنا سبحانه وتعالى يقول تبارك الذي نزل الفرقان القرآن يعني على عبده ليكون العالمين نذيرنا - 00:12:00
وفي مقام الدعوة قال وانه لما قام عبد الله يدعوه لما قام عبدالله تفسير الآية ايه خدناها في سورة الجن لما قام النبي صلى الله عليه وسلم وانه لما قام عبد الله يدعوه كانوا يكونون عليه لبدا - 00:12:23

قل انما ادعوا رببي ولا اشرك به احدا قال ابن القيم رحمة الله فاكملاً الخلق اكملاً عبودية واعظمهم شهوداً لفقره وضرورته وحاجته الى ربه وعدم استغنائه عنه طرفة عين يعني كل لما تشووف ان انت ضعيف وان انت فقير وان انت عبد لله وان انت تحتاج الى الله سبحانه وتعالى كل ما انت آآ - 00:12:45

المنزلة بتاعتكم بتترفع في العبودية اكملاً الخلق وعن انس ابن مالك رضي الله عنه ان امرأة جاءت الى النبي صلى الله عليه وسلم فقالت ان لي اليك حاجة فقال صلى الله عليه وسلم اجلي في اي طريق المدينة شئتي اجلس اليك - 00:13:12
ورواه مسلم عن انس ان امرأة كان في عقلها شيء فقالت يا رسول الله ان لي اليك حاجة يعني عايزاك في سري يعني فعايزه حد يعرف فقال يا ام فلان انظري اي السكك شئتي حتى اقضي لك حاجتك - 00:13:41
يعني خلاص اقفي في اي مكان انت عايزاه وانا هاجي لك واشوف انت عايزه ايه واقضي لك حاجتك فخلع معها في بعض الطرق حتى فرغت من حاجتها في رواية ان امرأة جاءت الى النبي صلى الله عليه وسلم وكان في عقلها شيء من الفتور والنقسان. كان في عقلها ايه - 00:14:01

تي فقالت ان لي اليك حاجة اي اريد ان اخفيها عن غيرك. ده سر مش عايز اعرف حد من الناس اللي قاعدين فقال اجلسي في اي طريق المدينة شئتي اجلس اليك - 00:14:26

حتى اقضي حاجتك قال النبوي رحمة الله وقف معها في طريق مسلوك يعني مش معنى كده ان يكون فيه آآ خلوة وقف معه في طريق في طريق الناس يعني ليقضي حاجتها ويفتيها في الخلوة - 00:14:40
ولم يكن ذلك من الخلوة بالاجنبية فان هذا كان في ممر الناس ومشاهدتهم ايه وايه لكن لا يسمعون كلامها هي عايزه تقول له حاجة سر يعني تستفتي النبي في شيء - 00:14:59

او تطلب منه شيء فالنبي عليه الصلاة والسلام قام تواضعاً منه صلى الله عليه وسلم يتكلم معه قال وعن انس بن مالك رضي الله عنه قال كان رسول الله صلى الله عليه وسلم يعود المريض - 00:15:12
ويشهد الجنائز ويركب الحمار ويحيي دعوة العبد وكان يوم بنى قريظة على حمار مختوم بحبل من ليف وعليه كاف من ليفك كان

يعود المريض ويشهد الجنائز شوف شوف سيدنا انس بيصف - 00:15:28

وخدم قادم النبي عليه الصلاة والسلام رضي الله عنه فبيقول يعني النبي عليه الصلاة والسلام كان في قمة التواضع يعود المريض ويشهد الجنائز ويركب الحمار ويجب دعوة العبد. يجيب دعوة العبد - 00:15:44

يعود المريض اي مريض كان حر او عبد شريفا او وضيعا حتى لقد عاد غلاما يهوديا كان يخدمه انتم عارفين الحديث ان النبي عليه الصلاة والسلام دخل على الغلام اليهودي اللي كان بيموت - 00:16:02

ودعاه الاسلام واسلم. لما ابو الغلام قال له اطع ابا القاسم فاسلم وعاد عمه وهو مشرك ابو طالب وعرض عليه الاسلام مش عليهمما السلام هنا في خطأ يعني وعرض عليه الاسلام - 00:16:17

يعود المريض فده من السنة ان انت لو عرفت ان فلان تعان شوية تزوره لسه يعني كنت لسه بتتكلم آآ بتتكلم مع حد من مشايخنا امبراح يعني الواحد يعني زعلان من نفسه ان هو بيقصر في الابواب دي. يعني في ابواب انا بقول للشيخ كنت بكلم الشيخ حازم - 00:16:42

فبيقول له انا يعني بقول له حاسس ان عارفين حديث الاعرابي اللي هو بيقول ان شرائع الاسلام قد كثرت علي فالواحد بيحس كده ان يعني في صلة رحم وعيادة مريض والجنازة انت تمشي في جنازة وان انت سبحان الله - 00:17:05

فيتلاقى ان الابواب الطاعة وابواب الخير كتير والواحد مقصري يعني واحد صاحبنا حد من الشباب كان بيصلينا معنا الفجر في المسجد وبعدين عمل عملية آآ عمل عملية رباط صلبي ما يتمش فيها على خير ان شاء الله - 00:17:26

فغاب عن المسجد فترة وانا ما خدتني باللي يعني انا ما انتبهتش ان هو مش موجود وان هو ما بيجيش وبعدين آآ هو بعث لي قال لي ان هو عمل عملية - 00:17:45

وانا قلت خلاص عزمت ان انا هزوره مع الشباب نزوح نزوح كده ونسبيت وعدى مدة طويلة الشاب ده ما بيجيش المسجد وبعدين ايه لقيته راجع المسجد تاني بعد بعد فترة وهو بقى رجله ايه عمل العملية خلاص وعامل - 00:17:57

يعني زي ما جبس رجله كده او حاجة عامل حاجة على ركبته يعني اللي هي الداعم للركبة ده وماشي بعказ وكده. فانا اول لما شفته زعلت جدا يعني حسيت ان ايه - 00:18:15

ان ان احنا عندنا مشكلة فعلا. يعني احنا فعلا عندنا ازمة في مسألة التفقد الناس والزيارة وصلة الرحم والسؤال فعلا عندنا مشكلة عندنا ازمة يعني ما اعرفش يعني عندي انا بس كده - 00:18:28

ولابس انا شايف ده في الناس اللي حواليا يعني فعلا معاني الاخوة ومعاني اه تفقد الناس والكلام ده فالله المستعان يعني ربنا ربنا يتوب علينا يعني فشوف هنا هنا تتعلم بقى هدي النبي عليه الصلاة والسلام - 00:18:45

كان يعود المريض ويشهد الجنائز ومسألة يشهد الجنائز ده اه يعني من اللي انا من الحاجات اللي انا شفتها في في العلماء المعاصرین يعني الشيخ مصطفى العدوي ربنا ببارك فيه ويحفظه - 00:19:07

اي جنازة في البلد عند الشيخ الشیخ بیحضرها اي انسان اي شخص يعني شیخ لو في مجلس علم وفيه جنازة واعلنوا ان ان الشیخ ان في ان في حد مات في المکان الفلانی فالشیخ يخلص المجلس بسرعة عشان في جنازة - 00:19:26

وانا مرة كنت عند الشیخ في في درس والشیخ ایه قطع الدرس عشان ننزل قال ایه؟ ادی درس بسيط ربع ساعه وقال احنا ننزل عشان نلحق عشان في جنازة - 00:19:46

فایه؟ قلت له يا شیخ طیب ایه هلف بس العربیة وحضرتك ترکب معی فعلی ما لفیت العربیة الشیخ لقی اخ راکب موتوسیکل کده فراح الشیخ راکب وراه لو رکب توکتوک حاجة کده يعني - 00:19:57

هو يعني هو ایه لسه علم بس انا لفیت بس وش العربیة لقیت الشیخ رکب موتوسیکل ومش زعلان منی في حاجة بس هو من تواضع الشیخ ومن حرص الشیخ ان هو ان هو يلحق الجنائز - 00:20:13

فده ده من الحاجات العجيبة كل جنازة يعني يعني حاجة فعلا سبحان الله الا لو الشیخ بقى مسافر او في آآ حاجة

قهريه يعني حتى حتى آآشيخنا الشيخ عادل شوشة ربنا يحفظه - 00:20:27

كان بيتكلم عن المعنى ده فيبيقول له ياشيخ يعني هو الشيخ عادل بيقول للشيخ مصطفى بيقول له يعني في طلاب علم ايام زمان يعني؟ كان في طلاب بتيجي من من من برة مصر - 00:20:45

ناس جاية من سفر وناس جاية من القاهرة وناس جاية من بعيد عشان تحضر المجلس وحضرتك تسipب الدرس وتروح آآتروح الجنائز فالشيخ قال له قال له الكلام بمعناه يعني - 00:20:56

الجنائز فيها بتاخد قيراطين قيراطين في الجنة قال له يعني انت مين اللي يفرط في قيراطين في الجنة وده ازن كلام ابن عمر لها ابن عمر ما كانش يعرف ثواب - 00:21:12

حضور الجنائز ما كانش يعرف فضل حضور الجنائز ما كانش مش عارف الحديث فلما سمع الحديث من ابي هريرة على حسب ما اذكر يعني وبعدين تأكد من عائشة رضي الله عنها على حسب ما انا فاكر يعني - 00:21:26

حد يجيب لنا حديث يعني ابن عمر حزن فقالكم فرطنا من قراريطكم فرطنا في قراريط من من الجنائز يعني الواحد ما كانش بيحضر الجنائز فده شف هنا تعلم هدي النبي عليه الصلاة والسلام - 00:21:41

يعود المريض ويشهد الجنائز. يعني ما تاخدش ان ده كلام حاجة عادية كده حاجة عادية ان معكم المشغوليات اللي كانت عند النبي عليه الصلاة والسلام تسع بيوت تسع نساء وتسع زوجات يعني - 00:21:57

ومسئولية الدعوة وبناء الامة والجهاد في سبيل الله فده ايه اه الراوي مين يا محمد لقد فرطنا في قراريط كثيرة فسأل عائشة شف بقى روبي مين ابو هريرة ولا من ابو هريرة؟ طيب - 00:22:15

فقال شف هنا ان مع الانشغال ده مع الانشغال ده الا والنبي عليه الصلاة والسلام يعود المريض ويشهد الجنائز ويركب والحمار وبعدين يحصل آآآ مشكلة في في عند قباء - 00:22:40

خلاف فان بنى فلان همه ان يتقاتلو. فالنبي عليه الصلاة والسلام يقول اه قوموا لنصلح بينهم روح من من المسجد من مكان المدينة لقباء مسافة عشان بس يصلح بين الناس - 00:22:55

قال ويجب دعوة العبد يجيب الى حاجته اذا دعاها اليها قرب محلها او بعد وروى البخاري عن انس بن مالك قال ان كانت الامة من اماء اهل المدينة لتأخذ بيد رسول الله فتنطلق به حيث شاءت - 00:23:14

الامة يعني مش حرة كمان وتأخذ بيده مش معناها مش مش على حقيقتها مش ان هي تمسك ايد النبي عليه الصلاة والسلام او ان هي طفلة او معناها اه الحافظ ابن حجر قال - 00:23:35

المقصود من الاخذ باليد لازمه معناه لازمه يعني ايه؟ لما انت بتاخد ايد واحد وتمشي به فهو معناه ان هو ايه بينقاد معك. بيلين معك. يعني انت ماسك ايد واحد وماشي ماشي به - 00:23:49

فهو بيلين معك فمعناها ان النبي عليه الصلاة والسلام بيلين معها مع الامة دي عايزه تروح فين؟ طب بس طب معلش تعالى معايا كذا النبي عليه الصلاة والسلام يمشي حتى يقضى لها حاجته - 00:24:03

ويبيقول لك الحديث ده وقد اشتمل على انواع من المبالغة المرأة دون الرجل والامة دون الحرة حيث شاءت والتعبير بالاخذ باليد اشارة الى غاية التصرف حتى لو كانت حاجتها خارج المدينة - 00:24:18

والتمست منهم مساعدة في تلك الحاجة لساعد على ذلك قال وكان يوم بنى قريظة على حمار مختوم له ختم هو الزمام الختم اللي هو يعني زي اللي بيتحط كده على الايه - 00:24:37

على على الفرس او على على الابل يعني زي الرحيل كده و زي السرج وكده وعليه كاف من ليف بمنزلة السرج للفرس او الرحيل البعير وعن انس بن مالك رضي الله عنه - 00:24:58

قال كان النبي صلى الله عليه وسلم يدعى الى خبز الشعير والاهالة السلحة فيجيب ولقد كان له درع عند يهودي فما وجد ما يفكها حتى مات صلى الله عليه وسلم - 00:25:15

كان النبي صلى الله عليه وسلم يدعى إلى خبز الشعير والاهانة السلخة الاهالة طيب تاني هي بتسأل بتقول يعني ايه حته السؤال وكان يوم بني قريظة على حمار مخطوط يعني كان راكب على حمار - 00:25:32

مختوم يعني عليه عارفين اللي بيتحط على الفرس ده اسمه السارج ده يتحط على ظهر الفرس عشان الانسان يركب عليه ماشي؟ وبتلالي حاطين مسلا على الحمار كده حاجة زي قطعة ايه؟ قطعة قماش كده - 00:25:54

هو ده بقى عليه ايكاف من ليف. يعني يعني هو الاشارة الى التواضع ده بس الايه؟ المراد بالحديث يعني فهنا قال كان يدعى الى خبز الشعير والاهلة فيجيب يدعى الاهلة يعني ما يؤتدم به من الاذهان السلخة المتغيرة - 00:26:16

تغيرت الريح يعني حاجة يعني الانسان آآ يعني يعني يائف منه قالت عائشة رضي الله عنها توفى رسول الله صلى الله عليه وسلم ودرعه مرهونة عند يهودي بثلاثين صاع - 00:26:39

فما وجد ما يفكها حتى مات يعني لم يجد ما يخص به الدرع ان هو يدفع الدرع كانت مرهونة يعني النبي عليه الصلاة والسلام كأنه مثلا اخذ طعام من من اليهودي - 00:26:58

وعطاه الدرع رهن لحد لما اجيب لك فلوس ايه؟ فلوس الاكل مسلا فالنبي عليه الصلاة والسلام حتى مات ما وجد لم يجد ما يخلص به الدرع. يعني ما لقاش فلوس يديها لليهودي عشان ياخد ايه - 00:27:12

الدرع المرهونة طيب انت ممكن تسمع الحديث ده تستغرب يعني طب فين ابو بكر وفيين عثمان وفيين اه عبدالرحمن بن عوف ان النبي عليه الصلاة والسلام يرهن الدرع عند يهودي - 00:27:28

عشان الطعام او كده فقالوا اما ان النبي عليه الصلاة والسلام عمل كده عشان بيبين جواز معاملة اليهود البيع والشراء وكده او ان ما كنش فيه عند اصحاب النبي عليه الصلاة والسلام طعام زيادة - 00:27:44

او ان النبي عليه الصلاة والسلام خشي ان الصحابة ما ياخدوش التمن او خشي انهم لا يأخذون منه ثمنا او عوضا فلم يرد التضييق عليهم يعني ما حبس ان هو يضيق على الصحابة ان هو يتخرج - 00:28:04

ان النبي عليه الصلاة والسلام يطلب منه شيء فالصحابي يديله الحاجة مياخدش من النبي عليه الصلاة والسلام التمن بتاعها فتعامل مع اليهودي فلم يرد التضييق عليهم فانه لا يبعد ان يكون فيه ازدراك من يقدر على ذلك. يعني اكيد في اصحاب النبي في الوقت ده - 00:28:24

اللي معه فلوس لا يبعد فلعله لم يطلعهم على ذلك وانما اطلع عليه من لم يكن موسرا به. يعني زي اليهودي مسلا او كده او اللي روى الحديث يعني وعن انس بن مالك رضي الله عنه قال - 00:28:45

اه سلخة يعني متغيرة تغيرت الريح يعني مش فاسدة لكن يعني ها يعني قبل تغيير بدأت تتغير يعني وعن انس بن مالك رضي الله عنه قال حج رسول الله صلى الله عليه وسلم على رحل رث - 00:29:04

وعليه قطيفة لا تساوي اربعة دراهم فقال اللهم اجعله حجا لا رباء فيه ولا سمعة لما بقرأ الحديث ده وافتكر آآ شوف مثلا يعني انا انا مش طبعا مش يعني شايف ان الانسان لو ربنا وسع عليه - 00:29:24

وان هو يحج يحج في مستوى كوييس اه عشان ايه؟ عشان يكون اه ده عون له على العبادة ما فيش مشكلة ان هو يركب والنبي عليه الصلاة والسلام حج راكبا - 00:29:42

لكن في نوع معين من الترف الحج كده ده يعني حاجة في بعض الشركات كده شف حاجات غريبة يعني جايبيين ايس كريم وآآ سوشي وسلمون وجمبري وشاورما ومش عارف تحس ان يا جماعة احنا هو في ايه - 00:29:54

يا يوم عرفة بتلالي في بعض مخيمات معينة كده يعني بدون زكر اسماء بتلالي في المبالغة في الطرف كراسى ومش عارف في ايه يا جماعة؟ ماشي هو احنا يعني يعني اه الانسان آآ يعني بس الموضوع دخل في نوع من الايه - 00:30:17

من التفاخر والمباهة يعني لا اقصد ان دي نية كل انسان طالع لكن انا سمعت من حد يعني ان بعض الناس يقول لك انا لو ما طلعتش مع الشركة الفلانية - 00:30:36

بعض رجال الاعمال يعني لو ما طلعتش مع الشركة الفونية انا كده يعني ايه اسم يقع في السوق هيقولوا ما عهوش فلوس اه الانسان
يريح نفسه ويقعد في فندق قريب من الحرم لو هو ربنا موسع عليه. وفندق اه كويسة ونضيفة ويأكل اكل - 00:30:49
كويس ويركب رطوبة كويسة ويقعد في مكان علشان يقدر يبعد ربنا ويبيقي ايه متفرغ للزهن ماشي ده جميل لو ربنا وصى عليك اه
انت مش قادر تعمل ده. المشي والتعب والعرق وان انت الاحرام يتتوسخ وان انت تبقى اشعس اغبر ومتبهدل - 00:31:08
ده برضو ايه ده برضو بيخرج معاني عبودية. يعني اما ان انت تكون اه غني شاكر او تكون ايه اه صابر على مشقة العبادة والكلام
ده لكن الحالة من الطرف دي فاهمین انا بتكلم عن ايه ؟ الترف ده - 00:31:29
لما تيجي تقرأ الحديث ده آآتحس ان ان النبي عليه الصلاة والسلام كان قادر ان هو يحج على على آآ على جمل على جمل ويبيقي في
هو حج على الجمل على البعير لكن على جمل وعليه بقى ايه ؟ الرجل ده بقى حاجة يعني آآ الرجل اللي هو اللي بيتحط فوق الجمل -
00:31:46

بحاجة في غاية الفخامة وموكب بقى والكلام ده لا حج على رحل رث على رحل رس يعني الرجل اللي هو اللي يوضع على ظهر البعير
للركوب عليه وهو القتب وهو البعير كالسرج للفرس - 00:32:07
اللي هو عارفين اللي بيبيقى فوق الجمل ده اللي فيه ايه شكله معروف كده يعني آآ الراحل ده رث يعني خلق او خلق بالعتيق يعني
حاجة ايه ؟ رث اديم - 00:32:24
بالي وعليه قطيفة على الرجل كساء قطيفة لا تساوي القماشة اللي محظوظة على الرجل دي لا تساوي اربعة دراهم يعني ما يجييش
تمنها اربع دراهم. لا يبلغ مقدار ثمنها اربعة دراهم - 00:32:37
ففي حج النبي صلى الله عليه وسلم على ذلك الرجل البالي والقطيفة الرخيصة الرخيصة الثمن دليل على بلوغ كمال التواضع
الرجل ده مش الجمل الراحلة هي الايه ؟ تطلق على الجمل - 00:32:57

لكن الرجل ده اللي هو اللي بيتحط اللي الشخص بيقعد عليه فوق الجمل من كتب يعني لو كتبت ايه راح للجمل على على جوجل
هيذهر لك الصورة يعني فقال صلى الله عليه وسلم اللهم اجعله حجا لا رباء ولا سمعة - 00:33:13

الرياء مشتق من الرؤية يعني معنى الرياء ايه ؟ اظهار العبادة لقصد رؤية الناس له فيحتمدوا صاحبها. يعني واحد يعمل عبادة علشان
الناس تشوفه فيعني ايه تتنى عليه ادي نيتهم مش بيعملها لله لا هو بيعملها علشان الناس تشوفه وتقول عليه كويس - 00:33:42
والسمعة مشتقة من سمعه والمراد به نحو ما في الرياء. نفس المعنى برضو. لكنها تتعلق بحاسة السمع. عايز الناس
تسمع عنه او هو يحكى اللي هو كان بيعمله علشان الناس - 00:34:06

آآ يعني بيعمل كده عشان الناس مش عشان ربنا عشان الناس ايه اه اه تتنى عليه وكده يعني وما يؤثر عن امير المؤمنين عمر بن
الخطاب رضي الله عنه انه كان يقول اللهم اجعل عملي صالح - 00:34:25

واعمله لك خالصا ولا تجعل لاحد فيه شيئا عن انس ابن مالك رضي الله عنه قال لم يكن شخص احب اليهم من رسول الله صلى الله
عليه وسلم قال وكانوا اذا رأوه لم يقوموا لما يعلمون من كراحته لذلك - 00:34:43

فعم هذا الحب العظيم يعني كانوا بيحبو النبي عليه الصلاة والسلام حب غير عادي حب شديد لكن الحب ده لا يتجاوز حد حد
الاقتداء او السنة فمش لما يشوفوا النبي يقوموا تعظيمها له كتعظيم الملوك وابناء الدنيا - 00:35:08

فعم هذا الحب العظيم الذي يقتضي مزيد الاجلال والتوقير كانوا اذا رأوه لم يقوموا له لما يعلمون من كراحته لذلك يعني النبي
يكره ان الناس تقوم له كده لقياهم تواضعوا لربه ومخالفة لعادات المتكبرين والمتجربيين. لأن الانسان المتكبر - 00:35:30
هو اللي يحب ان الناس تايده تقوم وتعزمه وان لو هو يعني ايه ما خدش الوضع بتاعه آآ بيقى زعلان ومتضايق وغضبان عايز ان هو
ايه يدخل كده الناس تقوم له وتقف يعني ما ينفعش ان هو ايه - 00:35:51

عادي كده لازم كل الناس تعزمه يعني وعن معاوية بن ابي سفيان رضي الله عنهما قال سمعت رسول الله صلى الله عليه وسلم يقول
من احب ان يمثل الرجاء ان يمثل له الرجال قياما فليتبوأ مقعده من النار - 00:36:07

يعني هو قاعد وعايز الناس كلها ايه تبقى واقفة له كده ما ينفعش حد يقعد وهو ايه وهو قاعد هييجي معنا دلوقتي قال شيخ الاسلام ابن تيمية رحمة الله لم تكن عادة السلف على عهد النبي صلى الله عليه وسلم وخلفائه الراشدين ان يعتادوا القيام كلما يرونه عليه السلام - 00:36:24

كما يفعله كثير من الناس بل قد قال انس لم يكن شخص احب اليهم من النبي صلى الله عليه وسلم وكانوا اذا رأوه لم يقوموا له لما 00:36:44 يعلمون من كراهته لذلك -

ولكن ربما قاموا للقادم من مغيبه تلقيا له. يعني لو حد راجع من سفر او حد غاب في مدة. وبعددين رجع تاني فتقوم تسلم كانوا 00:36:59 يقومون كانوا بيعملوا كده. ربما قاموا للقادم من مغيبه تلقيا له -

طيب والذي ينبغي للناس ان يعتادوا اتباع السلف على ما كانوا عليه على عهد رسول الله فانهم خير القرون وخير الكلام كلام الله 00:37:14 وخير الهدي هدي محمد صلى الله عليه وسلم -

فلا يعدل احد عن هدي خير الورى وهدي خير القرون الى ما هو دونه. يعني الاصل ان احنا نقتدي بالسلف في مسألة ان انا مقمش 00:37:30 لحد تعظيمها له طيب وينبغي للمطاع الا يقر ذلك مع اصحابه -

يعني الشخص اللي هو بقى السيد المطاع لو لقى الناس بتقوم له يقول لهم لا ما تعملوش كده بحيث اذا رأوه لم يقوموا له الا في 00:37:51 اللقاء المعتاد واما القيام لمن -

دم من سفر ونحو ذلك تلقيا له فحسن. يعني لو حد راجع من سفر وانت قمت له او حد غائب بقى له فترة وانت قمت ماشي ما فيش 00:38:04 مشكلة طيب هيقول هنا حاجة بقى مهمة -

طيب اذا كان الناس مش عارفين السنة دي يعني داخل عليك مسلا حد او شخص كبير او حد من قرابتك او صديق لك ما انا لسه 00:38:15 بقول اهو يا شباب طولوا بالكم -

اذا كان حد ايه مش عارف السنة دي او عرف الناس جرى ان انت بتقوم وان ده مش من تعظيم يعني ان هو خارج من الحديث 00:38:30 خارج برة الحديث اللي هو احب ان يمثل له الرجال قياما -

ده هو هو مش مش ده يعني دي عادة الناس عرف الناس ان انا لما ابوايا يدخل البيت ويرجع من برة اقوم واسلم عليه اقوم 00:38:47 احضنه واسلم عليه وابوس ايده -

فده ايه؟ ده طبيعي. يعني انا قايم علشان اسلم عليه مش قايم قيام التعظيم اللي هو المذموم المراد في الحديث وده من عادة الناس 00:38:59 بل لو اعدت وما قمتش هيعتبر ده عرفا من سوء الادب -

يعني لو انا قاعد يعني مسلا ايه الشيخ دخل او والدي دخل او كده هيعتبر ده من سوء الادب خصوصا ان الناس مش عارفة السنة دي 00:39:15 فهنا بيقول هيقول هنا اهو -

واما من عرف عادة القوم قال قال واذا كان من عادة الناس اكرام الجاء بالقيام. يعني ده من العادة العرف عندنا. ان لما يدخل حد كبير 00:39:29 ولما حد يدخل ان انا اقوم واسلم عليه وارحب به -

لو حد دخل وانا فضلت قاعد هو هو مش هيفهم ده يعني ولو ترك لاعتقد ان ذلك لترك حق. لو انا قعدت وما قمتلوش هو مش هيفهم 00:39:42 ده هيفرق هيفهم ان انا بفترط في في حقي او ان انا بقلل من او ان انا قاصد خفضه ان انا اقل منه -

ولم يعلم العادة الموافقة للسنة. هو مش عارف سنة في الموضوع ده فالاصلح ان يقام له لان ذلك اصلاح لذات البين وازالة التبغض 00:40:04 والشحنة فهمنا كده طيب واما من عرف عادة القوم -

الموافقة او الموافقة للسنة فليس في ترك ذلك ايذاء له. يعني لو شخص عارف وفاهم وكده وليس هذا القيام المذكور في قوله صلى 00:40:25 الله عليه وسلم من سره ان يمثل له الرجال قياما فليتبوا مقعده من النار. مش ده المقصود -

فان ذلك ان يقوم له وهو قاعد يعني يبقى قاعد قاعد هو ومش عايز حد يقعد وهو وهو قاعد هو عايز الناس كلها تفضل واقفة تعظيمها 00:40:45 له وليس هو ان يقوم لمجيئه اذا جاء -

ده المقصد يبقى انا دخلت على الناس ايه قاموا وسلموا علي ورحبوا بي ماشي؟ فانا فرحت انهم ايه انهم استقبلوني استقبال كويس ورحبوا بي فهل ده يدخل في عريض؟ لا ما يدخلش - 00:41:00

فاهمين يا شباب قال في الآخر وجماع ذلك ان الذي يصلح اتباع عادات السلف واخلاقهم بحسب الامكان يعني برضو مع مراعاة ايه العرف ما تجيشه ايه ابوك يدخل فانت قاعد - 00:41:18

لاقمت سلمت عليه ولا اي حاجة وقاعد في مكان تقول له اصل هي السنة كده لا مين قال لك ان سنة انت ان انت تؤلف في القلب. السنة ان انت تراعي عرف الناس - 00:41:38

ما دام ما فيش حاجة حرام لو هو هيترتب عليه مفسدة يعني انا خلاص ايه يبقى انا اعمل كده هو خلاص والدي داخل وهو واقف وقائم يعني خلاص اسلم عليه - 00:41:49

طيب وعن انس بن مالك رضي الله عنه قال قال رسول الله صلى الله عليه وسلم لو اهدي الي قرائع لقبت ولو دعيت عليه لاجبت القراء هو قال في التعريف وهو مستدق السقي من الرجل - 00:42:02

الكوارع يعني اللي هي رجل الخروف رجل المعزة رجل الایه؟ البقرة والجاموس. الكوارع يعني الحنة اللي هي الساق والحنطة اللي ايه الحنة اللي في الآخر الحافر دي قيل الكرة هو ما دون الكعب من الدواب - 00:42:15

فالمعنى ايه؟ ان النبي عليه الصلاة والسلام يقول لو دعيت الى ذراع او قرائع لاجبت ولو اهدي الي زراع او كراع او كراع لقبت يعني لو حد عزمي على على اكلة حتى لو كانت - 00:42:36

بسقطة جدا الزراع والكراع يعني مش مش جاي مسلا اكل ايه آآ موزة مسلا او حنة مسلا من اللحمة الحلوة الريش يعني لا زراع وقرآن لقبت فبيعلم الصحابة ان يكون انسان عنده تواضع. لو حد مسلا بيحبك وهو مستواه بسيط - 00:42:48

وعزتك على اكل فانت اما تايده تتكبرش تقول ايه لا انا يعني هو هي عمل لي اكل اي كلام هو ما دام بيحبك وعزتك وعايز يأكلك حتى لو اكلة بسيطة فتروح وتتكل وتفرح - 00:43:09

والنبي عليه الصلاة والسلام يعلمك التواضع ده قال عند مسلم قال صلى الله عليه وسلم ازا دعيتكم الى قرائع فاجبواه يعني قبول الهدية واجابة من يدعوك الى منزلك ولو علم ان الذي يدعوه اليه شيء قليل - 00:43:23

اه المجلس الجاي ناكل كوارع ان شاء الله. انا ما بحبش الكوارع الا لو انت ما بتحبهاش يعني خلاص يعني ايه آآ تقبل الدعوة ولكن ايه لو في اكل قدم اليك وانت ما بتحبهاش - 00:43:53

ما تعبيش الاكل ما تقومش قايل ايه؟ انا ما باكلش مسلا كذا وما بحبش كذا او مش عارف ايه لان ده ممكن انسان يعني ايه اللي عازمك يتأنى منه يعني - 00:44:04

فخلاص شوف ايه حاجة على السفرة تعرف تأكلها وكلها يعني وفيه الحض على المواصلة والتحاب والتآلف واجابة الدعوة لما قل او كثر وقبول الهدية كذلك قال عن جابر بن عبد الله رضي الله عنهما قال جاءني رسول الله صلى الله عليه وسلم ليس براكب بغل ولا - 00:44:17

ولا بربون. بيربون بالكسر ولا باربون ولا بيربون. حد كده يراجع سواني اظن بارزوني بالكسر هو عموما البربون ده او البربون فهو يطلق على غير على غير العربي من الخيول والبغال - 00:44:39

هو هنا كتب آآ البربون ده اللي هو التركي من الخيول تركي وقال يعني ان هو له فضيلة له جلد على السير في الشعاب والجبال اه بخلاف الخيول العربية يعني - 00:45:05

قيل تركي طيب قال جاءني جابر بيقول جاءني رسول الله صلى الله عليه وسلم ايه جاءه ليعوده اذ كان مريضا ومعه ابو بكر رضي الله عنه يعني النبي عليه الصلاة والسلام ذهب مع ابي بكر ليعود جابر رضي الله عنهما - 00:45:26

ليس بركي بغل. يعني عايز يقول ان هو جاي ايه ماشي يعني لا هو راكب بغل ولا بير زول ليس براكب بغل ايه ماشيا والبغل هو ولد الفرس من الحمار - 00:45:46

ولا بربون وهو التركى من الخيل فيه فضيلة عيادة المريض واستحباب المشي فيها وعن يوسف بن عبد الله بن سلام قال
سمانى رسول الله صلى الله عليه وسلم يوسف واقعدي في حجره ومسح على رأسه - 00:45:59
سمانى يوسف واقعدي في حجره ومسح على رأسه وعن ثابت البىانى وعاصم الاحول عن انس بن مالك رضي الله عنه ان رجلا
خيطا دعا رسول الله صلى الله عليه وسلم فقرب منه سريدا عليه دبا - 00:46:20
قال فكان رسول الله صلى الله عليه وسلم يأخذ الدباء وكان يحب الدباء الدبانية احنا قلناها قبل كده لو فاكرين اللي هي ايه القرع
ماشي قال ثابت فسمعت انسا يقول فما صنع لي طعام اقدر على ان يصنع فيه دبة الا صنع - 00:46:37
رجل خياط دعا النبي عليه الصلاة والسلام بطعم صنعه وقرب منه سريد. السريد اللي هو الخبز المكسر الذي وضع عليه اللحم والمرق
حاجة زي الفتة كده والدباء هو اليقطين وهو القرع - 00:47:05
والمعنى انه قرب الطعام من النبي صلى الله عليه وسلم ثم انصرف الى عمله يعني حط لهم الاكل وبعدين مشي هو راح كمل شغله
فقال انس فجعل رسول الله صلى الله عليه وسلم يتتبع الدبان - 00:47:21
كان يأخذ الدباء وكان يحب الدبان فلما رأيت ذلك لما سيدنا انس شاف ان النبي عليه الصلاة والسلام بيتابع القرع الدباء فبدأ سيدنا
انس يجمعه له فجعلت اجمعه بين يدي. بدأت اجمع واحطه قدام النبي عليه الصلاة والسلام - 00:47:37
شوفوا يا جماعة الايه الحب. اولا وسیدنا انس هو خادم النبي عليه الصلاة والسلام. فهنا الباب في تواضع النبي عليه الصلاة والسلام
ان هو يجلس يأكل مع الخادم ان بعض الناس يأنف - 00:47:54
ان هو مسلا ايه ربنا وسع عليه فعنده عنده سائق او عنده مسلا خادم او خادمة في البيت فان الراجل يأنف ان هو يأكل مع
السائق مسلا ان هو يكونوا مسلا في سفر ويروحوا مسلا مطعم فيقعد ايه هو هو والسوق - 00:48:08
على على ترابيزة واحدة ويأكلوا مع بعض يأنف يقول لك حتى لو هو يعني انسان خير وهيجيب له اكل يجيب له الاكل يقول له كل
انت في العربية ويأكل هو في المطعم - 00:48:25
فالنبي عليه الصلاة والسلام كان يأكل مع انس فسیدنا انس بيقول بقى ايه؟ لما شفت النبي عليه الصلاة والسلام بيحب القرع الدبان
قال فما صنع لي طعام اقدر على ان يصنع فيه دبا الا صنع. كل ما يتعلّم لي اكل - 00:48:35
وينفع ان هو يتحط في الدبان اقول لهم اعملوا كده عشان النبي عليه الصلاة والسلام كان بيحبه فاحبه لحب رسول الله صلى الله
عليه وسلم ايه. وده مستوى عالي جدا في المحبة - 00:48:52
ان انت تحب الاكل اللي النبي عليه الصلاة والسلام بيحبه قال وفي الصحيحين فلم ازل احب الدباء منذ يومئذ قال وعن عمرو قال
قيل لعائشة رضي الله عنها ماذا كان يعمل رسول الله صلى الله عليه وسلم في بيته - 00:49:08
قالت كان بشرا من البشر يفلي ثوبه ويحلب شاته ويخدم نفسه صلى الله عليه وسلم. كان بشرا من البشر يعني التصور بتاعك عن
النبي عليه الصلاة والسلام وهو في البيت ان هو ايه - 00:49:33
بشر كما قال تعالى قل انما انا بشر مثلكم يوحى الي انما الحكم الله واحد فهو بشر مثل البشر الا ان الله اصطفاه لرسالته واكرمه
بالوحى معنى الاية قال الشوكاني رحمة الله اي انما انا كواحد منكم. انما انا بشر مثلكم - 00:49:50
يوحى الي لولا الوحي قال الشيخ الشنقيطي مثلكم في الصفات البشرية ولكن الله فضلني بما اوحى الي قال ايه؟ قالت عائشة يفلي
ثوبه يعني يفتش السوب يلتفت ما علق فيه من شوك ونحو - 00:50:14
ويحلب شاته ويخدم نفسه في رواية قالت ما كان النبي صلى الله عليه وسلم يصنع في بيته قالت كان يكون في مهنة اهله
يعني خدمة اهله فاذا حضرت الصلاة خرج الى الصلاة - 00:50:35
قال القاضي عياض ونختم بكلامه واما تواضعه صلى الله عليه وسلم على علو منصبه ورفعة رتبه فكان اشد الناس تواضعا صلى الله
عليه وسلم واعدمهم كبرا يعني ابعد الناس عن الكبر صلى الله عليه وسلم - 00:50:57
وحسبك يعني يكفيك انه خير بين ان يكون نبيا ملكا او نبيا عبدا فاختار ان يكون نبيا عبدا يعني يكفيك من التواضع ان النبي عليه

الصلوة والسلام خير بين ان يكون ملكا نبيا او ان يكون عبدا نبيا فاختار ان يكون عبدا نبي - 00:51:13

وكان يركب الحمار ويردف خلفه يعني يركب الحمار ويردف خلفه ويركب حد من الصحابة خلفه ويعود المساكين ويجلس القراء ويجب دعوة العبد ويجلس بين اصحابه مختلطا بهم. لدرجة ان اللي يدخل - 00:51:33

ما يعرفش يميز النبي عليه الصلوة والسلام. يقول ايكم محمد ويجلس مختلطا باصحابه بين اصحابه حيثما انتهى به المجلس جلس وهذا وقد فتحت عليه الارض واهدى في حجه ذلك مائة بدنة - 00:51:53

ولما فتحت عليه مكة دخلها بجيوش المسلمين طأطا على رحله رأسه تواضع حتى كاد يمس قادمة الرحل من شدة التواضع تواضعوا لله وكان في بيته في مهنة اهله يفلي ثوبه ويحلب شاته - 00:52:13

ويرقع ثوبه ويخسف نعله ويخدم نفسه. فده ده من التواضع. يعني احيانا بعض الرجال يزن ان ده منافي للرجلة ان هو مسلا ايه شرب مسلا في كوبية او ان هو آآ زوجته تعبانة فيقوم بعمل حاجة ينضف حاجة في البيت ان هو يعمل مصلحة لنفسه - 00:52:31

اه ان هو يعمل اي حاجة تتخيلها من عمل البيت. خصوصا الحاجات اللي تخص الرجل ده ما يعييش الانسان. لا يقبح في رجلة الرجل. يعني دي دي تصورات اه مغلوطة - 00:52:53

يقول لك انت كده هتبقى شهرتها وهتبقى مش عارف الكلام ده ده مش صح ده خلاف هدي النبي عليه الصلوة والسلام كان زي ما عائشة قالت كان آآ بشرأ يحلب اه شاته يفلي ثوبه ويخسف نعله ويكون في خدمة اهله في مهنة اهله - 00:53:10

كان في بيته في مهنة اهله يفلي ثوبه ويحلب شاته ويرقع ثوبه ويخسف نعله يعني يصلح النعل لو اتقطعت ويخدم نفسه ويقيم البيت ويعقل البعير يربط البعير ويعمل ناضحة يعلف الجمل - 00:53:29

ويأكل مع الخادم ويحمل بضاعته من السوق صلي الله عليه وسلم. فده كان هدي النبي عليه الصلوة والسلام فيعني لو انت ايه راجل كده وان شاء الله ربنا يكرمك وتتزوج - 00:53:47

فما فيش مانع ان انت ايه ان انت تساعد في عمل البيت ان انت تساعد في عمل البيت ده لا ده لا يقبح في رجلة الانسان بالعكس ده من ده من تمام التواضع والرحمة - 00:54:02

ماشي يا شباب؟ طيب اه احنا كده ايه الحمد لله بفضل الله انتهينا من باب ما جاء في تواضع رسول الله صلي الله عليه وسلم - 00:54:19